

مؤسسې : ابن السري  
مصطفى نامق

مدیرې : ابن السري  
احمد جودت

# آسيان

أدبي ، علمي ، سياسي ، اجتماعي ، فني ، اخلاقي همته لق مجموعه در

نېشننه

برنجي جلد

نومرو ۹

برنجي سنه


۱۸ شوال ۱۳۲۶

۳۰ تشرین اول ۱۳۲۴

استانبول

محل اداره سی : جغال اوغلنده دائره مخصوصه  
باب عالی جاده سنده ۴۰ - ۴۴ نومرولی سالنیک مطبعه سی

۱۳۲۴



## اولومدن صوكره

— مابعد —

هر برلرمزك بنايكي شكل سيال هيولانك (۱) متملى اولان وبلا واسطه  
 حس وادرا كدن محروم بولسان جسم كشيغ عضليدن عبارت اولمايوب انجاق  
 كمال نقطه نظرندن متفاوت و غيرفاني برووح سلطانيك موجودتي اولغله انسان  
 حر وبالجاهده كسب صلاح وكال خصوصنده مختار بولمق حسييله مسئولدر.

.....

ابدیت روحیه و مسئولیت بشریه نك شو صورتله تحققي همجنسمزه قارشو  
 حس عدالت و شفقت كي مكارم اخلاقيه نك دستورالعمل اولماسنى تأمین ایده جكي  
 جهتهله فوق العاده جائزاهمیت برامیه دینی و اخلاقيه اولغله نوع بشر كك بويوك  
 امید و سعادتی ده بوندن عبارتدر .

## كثرت موجودیت

یاخود

## كثرتده وحدت

حیات، لایزال صوربی نهاییه کوسترمکده . . . .  
 اشکالده کورینن کثرت نه دن نشأت ایدیور ؛ بوکاجواب ویرمك ایچون معمای  
 موجودیته جمعیلی بر نظر عطف ایدرك صوكره مسئله بی تدقیق ایتمك انجباب ایدر .

(۱) مؤلفك ظرف سیال لطیف دیه تعریف ایتدیکی (périspirt) کله سنی هیولا  
 تعبیریله ترجمه ایتسك . لسان تصوف اسلامده نفس ناطقه به روح سلطانی و هیولایه  
 روح حیوانی اطلاق اولنور .

قانون مثبتہ نك دلائلہ بیلورز کہ ، کرہ منسطحندہ آثار حیاتہ اول امرده يك ساده و ابتدائی بر منظرہ ابراز ایدیوردی ، بو عناصر بسبطہ تدریجی بر قانون ترقیہ تبعاً اشرف مخلوقات اولان نوع انسانہ قدر اشکالدن اشکالہ ، انواعدن انواعہ یکدی ، اشکالک ترقیاتی انسانده نہایت بولوب نور ذکا و نطق بو نقطہده لمعان ایتدی . حیات تدریجاً مضیق مادیتدن صیر بلہ رق سوق طبعی دیدیکمز حس اعمی ، ذکا و اذعانہ تحول ایتدی ؛ بو درجات تکملیہ نك مبدئی ظلمت مجهولیتده مخفی ایسده هر وجود وجدانہ ، عقل و اذعانہ واصل اولنجہ یہ قدر اعضا و حساسیت ابتدائیہ بی ، اشکال بی نہایہ بی . دولاشد رقی حد کالہ کلدی ؟ مزاج انسانده مندرج اولان حیوانیتك مطالعہ سی بزی بویلہ بر ذهابہ سوق ایدرسده مسئلہ الان معلقدر .

قانون خلقندہ تجلیساز اولان عالت واکملت انسان حقندہ واکورمه دیکي معدومیتہ حیوانانی ده محکوم ایتما سی لازم کله جکندن کافہ مخلوقات عالم معدنیدن نباتیہ ، انسال حیوانیہ ایسه قانون تکملہ تبعاً نوع بشرہ قدر ارتقا ایتدی ؛ شو تبیان ثلثہ ده کی مراتبی احرار ایدن مخلوقاتك ادوار تشکیلیہ لرندہ بر حیات مضاعف حکم فرما در کہ ، بری ظاهر دیکری باطندر ، یعنی ماده ده مشہود باصیرہ حیرت اولان تکامل بذاتہ اولیوب معرفت روحیہ اثریدر .

قانون ترقی هر نقطہده هر ذرہده رونما اولدینی حالده تکاملات متوالیہ روحیہ بی انکار ایتك ممکنیدر ؟ اوت هر وجودك احرار ایتدیکي قابلیت دها یوکسك بر قابلیتہ ترقی ایچون بر باصہ مقدر ، روح شکل بشرده عالم ناسوتہ کله رك کسب استقلال ایتکله برابر مسئولیت اخلاقیہ و فرائضیہ بی ده در عہده ایتش اولدی ، بونکله برابر تکاملی و مقصدی ختام پذیر اولدی ، اصل وظیفہ سی بونقطہدن بدأ ایتکله موت ایله منقطع اولان تکمل یکیدن و دها زیاده ترقیہ مساعد بر فطرتده مهد وجودہ کله رك دها عالی بردوریه صعود ایدر ، موت بر غیوبت مونته در .

نوع بشرك بوکره اوزرتده ایلك ظهورندنبری دوجار اولدینی انقلابات و بوکون ساحه آرای حصول اولان مدنیت و اختراعات قانون تکملک بر نمونہ ظاہری بولندینی کی بو ترقینک برده جهت معنویہ وابدیہ سی اوله جفی درکار

بولنمغه روح بشرك تعاليسنه حدوپايان اوله ميوپ كيتدكجه لمعان ايدرك نهايت واصل  
اقتصای مرام اولور . [۱]

روح تدريجي برتريه نتيجه سي اوله رق حال بشرده ادراك معالي يي اكتساب  
ايدوب بودرجه دن تكرار تدني ايدمه من ، خصيصه و قيمت ذاتيه سي ، سلسله  
موجوديته اشغال ايتديكي موقع ، بورونديكي كسوة عضويه ايله متناسبدر ،  
شكل انسان تحولات جسمانيه نك نقطه منهناسي تشكيل ايدرك بوندنصكره ترقی  
و ترفع صرف روحه منحصر قالير . خالق لم يزلك اشكال مهيه و طبایع  
مفترسه ده بر طاقم حيوانات خلق بيوردیغی نظر تهجبله كورمه ملیدر .

مخلوقاتك تمايل و طبایعی ارايه ايتدكلى اشكال الجاآندن اولوب روح  
بشرك نحيف و عاجز بر جسم انتخاب ايتسي ، پاخود روح تعالی ايتدكجه  
من طرف الله ضعيف بر جسمده تجلی ايتسي هوساني ضبط و بر طاقم اضطرابانه  
تحمیل ايدمه درك تصفيه و ترقينك لازم غير مفارقي اولان صفات ممدوحه يي  
اكتساب ايدمه بيلسسي ايجونددر ، فقط طبيعت سفليه ده بولنانلر ايجون شكل  
حائر اهميت اولمايوب بوكيلر تربيه نفسه موفق اوله مدقلري تقديرده ، دنائت  
و احتراصات نفسانيه نك جاذبه و تأثيريله تكرار تدني ايدرلر .

تكميل تدريجي و يانكشاف ذكا ارباب دقتك هر وقت جالب نظری اولمده -  
در . حيوانات اهليه ايجنده عين جنسندن بولنانلر مياننده مشاهده اولنان  
اختلاف طبایع بونك دليلی اولوب عين نوعدن اولدقلری حالده بعضاری مونس

[۱] قانون تجسد بالکيز غلام ثابت اوليوب تجارب فنيه ايله ده صرنبه بدهنه واصل  
اولمدر ، درجات حافظه حقه ده ميرالای ( روقاس ) ك و مشاهير دن اسپانيول فرناندز  
و استامارانانا ، تك ۱۹۰۰ سنه سي روحيون قونفره سنده موضوع بحث اولان نوم . قناتيسي  
ايله تجريد ايديان تابيلر حال بيداریده اصلا تخطر ايدمه مدكلى وقایعی حافظه لرینك اك  
مظلمه طبقاتی حال اهترازه كلدرك هيكام صباوتلرينك اك اهميتمنز وقایعی بيله نقل ايتدكن  
صوکره حیات ماسقلرينی سويله دكلى مشاهده ارلنمش و بوكی بر چوق تجارب فنيه ايله  
موجوديت بشريه نك قدیمی على طريق المناوبه عالم لاهوت و ناسوته كلوب كيتمكده اولدينی  
تحقیق ايتددر ( ۱۹۰۰ سنه سي پارس روحيون قونفره سي ضبط امه سنك ۳۵۰ ، ۳۴۹  
صحیفه لرنده ميرالای روقاس ، دوكتور سولیه ر ، وقومارنك تجربه لری حقه ده كي تفصيلاته  
و مجموعه فنيه و اخلاقيه نام رساله نك ۴ ۱۹ سنه سي غورزاغستوسده انتشار ايدن نسخهلرينه  
مراجعت اوله .

وقابلیتی بعضاری قابلیتسزدلر، بعضلرنده همان انسانه یقین برشفقت و صداقت حس اولنور لسان حال ایله افاده صرام ایدرلر، بناءً علیه حیوانانک جنین حالده برروحه مالک اولدقلری تصدیق ایتک ایجاب ایدر.

طبايع بشریه تظاهرا ایدن اختلافات عقلیه و اخلاقیه و هر خصوصیه هر شخصده نظر دفته چاریان عدم تساوی دخی موجودیت ده کثرت بولندیقی اراؤه ایدیور.

بوقانونی قبول ایتدیکمز تقدیرده، نیچون بعضار حس نجات و آثارلیاقت و عرفانه متحلی اولیورلرده، بعضار تربیه لرینه اهتمام اولندیقی بیله هوسات قبیحه و تمایلات ردیشه ایله ملوئدرلر.

جناب حق بزه عین اشکالده حیات احسان بیورمش اولدیقی حالده استعداد و اخلاق خصوصنده کی اختلاف نهدن نشأت ایدیور؟ کثرت موجودیتک ایجاباندن اولان قانون تجسد یعنی خشر و نشر اولمامش اولسه شو اختلاف طبایعندن حقسزلق اکلاشیلر، حالبو که خلاق جهان عادل مطلقدر.

محیطک تأثیری، توارث و تربیه کی مؤثرانک بو باده دخلی وار ایسه ده اختلاف طبایع ایچون بونلر اسباب کافیه دن دکلدرد، چونکه عین فاملیا قانندن حق جسماً مشابیه تامه ده بولنانلر میاننده عین تحصیل و تربیه کی کوردکاری حالده اخلاق و ذکا جهتیله یک چوق نقطه لرده نظر حیرتی جالب تضاد کوسترن انسانلره تصادف اولنمقده در.

تعداد ایتدیکمز خصائل و ذمائم بشریه حقیقه حیات حاضر دن نشأت ایتدیکی ادعا اولنورسه، درکات رذالقی، درجات فطاتی نهیه عطف ایده جکیز؟ نیجه کنجیلر بار تحصیل ایله صراروب صولدقلری حالده سعیلرینه رغماً وسط درجه بی تجاوز ایده منلر ایکن ایچلرندن زمان صباوتلرنده بیله ذکا و عرفانلریله اک بنام علمانی انکشت بر دهان حیرت ایدن، فن و صنعتده خارقلر کوسترن ذوات ظهور ایتامشمیدر؟ اک عادی دکرمنز انسانلردن کلان چو جقلرک صباوتلری

مابعدی وار

خلیل